

schülertheater klasse 4a gym am münsterplatz basel

utop4a

leitung: christian mueller: 076 587 07 81

technik: thomas frei

mitspielende: aaron agnolazza, alberto baschong, alexandra ciorciaro, kathrin glättli, florence häusermann, martina iberger, sofia kappos, chahrazed khan, jule knecht, aileen kreyden, leonora kugler, sophie langloh, julian loss, cyrille planner, meret scheidegger, florian staub, tenzin tsamdha, dominik tschudi, tabor zwimpfer.

requisiten: kartonschachteln, 5 tibits-säcke für requisiten, bücher, 20min zeitungen (18), etwas zu essen und 1 starbucks-becher mit röhrl, ca18 leere wodka flaschen, fasnachtspfeife, ausweispapier, 18 feuerzeuge, coke0 pet flasche

kostüm: pyjamas und barfuss oder socken

szene 1

kartonschachteln, mit einer choreo:

aaron beginnt und wächst wie eine frühlingsblume aus der schachtel. beim 2ten dinglingling kommt die nächste person. nach und nach wachsen alle hinter ihrer schachtel vor. nachdem des klavier gewechselt hat, 8 takte warten. gruppe b geht runter, a bleibt. 2x8 takte dann 5x 4 takte rauf runter. dann kommen alle wieder hoch (die, die oben sind bleiben gleich stehen). alberto hüpfert als bunny vor. die andern sind schmetterlinge und fliegen ihm hinten nach. wenn sie vorne sind, nach links und rechts abwechselnd in grosser welle nach hinten und dann freestyle sich drehend und mit den händen oben wedelnd zuerst auf der ganzen bühne. dann bleibt nur noch das weckergeräusch. angepissst hinter die schachteln stehen und mit ruck verschwinden.

julian stellt den wecker ab. steht verschlafen auf. die anderen stehen auch verschlafen auf.

1musik: eternity: memories of lightwaves - ton: weckergeräusch (bricht in die musik)

szene 2:

ab in die schule. gehen zum und ins tram.

alle fahren und wackeln so rum. mit pendlerzeitung in der hand und lesen. charazed hat essen und becher in der hand drängelt sich als letzte von hinten nach vorne durch das volle tram und frisst schmatzend und trinkt und trinkt bis es lärmt. die leute nervts.

stichwort: charazed schlürft 3 mal mit dem getränk und stellt es hin.

alle nett: im drämmli bitte nit vrgässe, duet me nim drringge und au nim ässe.

böser werden, 4 x (das 1. nach vorn, dann zur person) und am schluss sind alle auf 180. die person merkt erst jetzt.

dabei auseinander gehen und zum v werden.

charazed: ah, i? oh. sorry!

steht zuerst verschreckt auf, dann hässig:

nüt döf me meh! alles isch vrbotte. überall kontrolle. fühlsch di wie immene polizeistaat, und jede spiilt polizist. im trämmli nüm ässe. wiso denn? nit wäg em dräck! wisi nüm wänd putze. wisi s putzpersonal autgsoorst händ und jez dört spaare! immr meh vrbot, nur will niemer meh will zahle!

aaron rauche döf meh au nüm!

aileen will d chrankekasse d behandlig nit zahlt.

cyrille nit kiffe

sofia das isch schwarzmarkt, dört chame keini stüre vrlange

martina und stähle?

dominik huusrotsversicherig

tenzin lüt umbringe
 sophie läbensversicherig
 leonora d eltere kritisiere
 kathrin schuel kritisiere
 florence als teenager irgendöpis kritisiere
 alexandra und spucke döf me au nümm
 alle spucken an den boden
 leonora und wiso döf me neger nümm sage? wär vrdient do dra?
 sofia irgend öpper vrdient immer!
 aileen velicht d mafia?
 julian odr d auns?
 alberto odr pro infirmis?
 alle fiess ab em sitz! (zu charazed)
 meret odr e zitig drunter! (zeitung anschmeissen)
 jule betrunke velo fahre döf me au nit!
 ja gopf selli i däm zuestand öppe auti fahre?
 sofia und jo nit meh als 1deziliter is handgepäck näh.
 alle: jo nit!
 aileen das händ si au numme gmacht, zum im flugzüg übertüerti getränk z verchaufe.
 terroriste bekämpfe? pfff. glaubsch jo sälber nit.
 martina und s schlimmste: me döf sis chind nitmol taufe wie me will!
 merlin isch verbote!
 sophie birkenfeld au! ich hätt doch mis chind so gärn birkenfeld tauft...
 tabor he bier, hol mer e bier! hopp! bier: bier!
 florence betonmischer
 julian asklkglhergjhysdvnaöwdvniyhbnqrfrjqrjbnqflfvlbqwfvljbqwfvljbqfvlkqvwv-jot
 alle: hä?
 julian wär au no e coole name für es chind.
 alle: (durcheinader aber sortiert) tenzin: gaggiwurst, sophie: barbie, cyrille: mickey mouse,
 aileen: zwuggel face, dominik: pikachu, martina: furzkanister, sofia: knackwurst, jule:
 schüggürüggü, leonora: chuefüdle, charazed: hamsterface, kathrin: gartezwärg, meret:
 fägnäscht, alberto: bunnyrella, alexandra: mephisto, aaron: , tabor:
 ... uf dis zimmer! ...ab ind schuel! ...halt de latz! ...ässe isch fertig! ...hei cho! ...ohni znacht is bettl!
 ...usw jeder hat seinen kindernamen satz ...hesch dis zimmer ufgrumt? huusi scho
 gmacht? gschirr gwäsche? rase gmäit? zahn putzt? und macht dazu die szenische geste.
 nehmen wieder zeitung in die hand und lesen weiter. es ist wieder ruhig.
 gähnen, müde sein.

szene3:

cyrille 200 tote bei bombenanschlag in bagdad.
 dazwischen immer blättern
 kathrin doppelstöckige brücke in den usa eingestürzt. bisher 34 tote, 12 personen noch vermisst.
 dominik giftgasanschlag in metro von tokyo. 12 tote. hunderte verletzte.
 jule erdbeben in chile 50'000 tote, 2 000 000 obdachlos.
 sophie jäjä. zum glück giz in chile kei u-bahn...
 charazed völkermord im südsudan. 40'000 opfer, millionen auf der flucht.
 aileen nei lueg mol d britney spears het widr mol kei unterwösch a.
 alle interessiert. blättern schnell eine seite weiter. machen zuerst interessiertes gesicht, wird zur
 schockierten grimasse (oder: mädchen findens geil, typen gruusig;-)
 ein paar nei aso nä-ä! wäh. so öppis...
 tenzin und hesch das scho gläse vo dr paris hilton.
 cyrille um die ischs au ruhiger worde
 martina abr au erst sit si us em gfängnis use cho isch.

tibor und ihres sexfilmli isch gar nit sooo geil gsi.
 leonora abr ihre ex isch drfür um so geiler
 alex und riich!
 sofia elei das macht scho hübsch...
 aaron wie het dä gheisse?
 martina paris
 cyrille nei nit si, är!
 martina paris latsis
 cyrille was 'lost si s'? was sell si loh?
 martina nei, latsis, paris latsis. ihre ex heisst au paris
 tenzin aber nit hilton sonder latsis. e griech.
 martina dr sohn vomene griechische reeder.
 cyrille was redner? ihre vater redet? wow... wenn de dr vo läbe chasch...
 martina nei reeder. däm ghöre schiff in griecheland. redet sicher au. aber e reeder het schiff.
 cyrille jo das macht no sinn. dört hetz vill wasser.
 jule und insle...
 alle: mhm mhm
 lesen weiter zeitung
 plötzlich steht tram still. zuerst lässt es sich niemand anmerken, aber sie spähen immer ein wenig über den zeitungsrund und werden ungeduldig.

2ton: furz; 'duft' kommt von tibor

es stinkt. die anderen versuchen etwas abstand im tram von ihm zu haben. diskret versucht man den geruch zu bekämpfen.

3ton: das isch d leitstell vo dr bvb mitere mitteilig an unseri fahrgest: ufgrund vomene falschparkierte lastwage isch d innestadt blockiert. unsere störigsdienst arbeitet scho dra. es sett bald witr go. viele dank für ihr verständnis. mir bitte si um entschuldigung.

dominik nei sone seich.
 alle nehmen natel vor und schreiben sms.
 alle k o m m e e t w a s s p ä t e r t r ä m m l i s t e c k t f e s t . el ge
 aileen scheiss autofahrer. miesse denn die immr mitz uf de gleis parkiere?
 leonora jez bini äxtra uf s trämmli grennt und has vrasst, will mr dä blöd chauffeur mitemene breite grinse drvogfahre isch. gangi uf s nöchschte und jez das!
 alexandra flippt aus
 alexandra nei! was machi jez was machi jez! misläbe het ke sinn. usw: schluss: mi akku isch leer!
 aileen krieg di widr i. erwartisch e wichtigs telifon?
 aileen i ha hunger. het niemer öppis z ässe do?
 tenzin i ha au hunger!
 einige i au (charazed, flo, alberto)
 jule i ha durst!
 einige i au (martina, cyr, fab)
 sophie ich ha coke zero do!
 alle wäähh!
 sophie ah nei isch leer, sorry!
 schmeisst flasche fort.
 charaz s e n d e n ...ou nei kei gäld meh druf!! chani nit vo öpperem sim natel us scribe?
 alle schauen hinaus

szene4:

flo wenn goz ändlich witr? i hass es wenn s tram nit fahrt wies sett!
 aileen i hasses wenn me s letschte tram vrsasst und me laufe mues. dört wäri froh, es hät vrspötig...
 tenz i hasses wenn konzärt vrschobe wärde und am ersatztag cha me nüm goh!
 sofia wenn genau no e halbe schluck in dr milchgugge isch! wele trottel stellt denn die immr fascht leer zrugg!!! he?
 dominik wenn me mues s gm fescht am sunntig am morgge ufruume. wär chunnt uf die blödi idee? am sunntig am morgge!!!
 alle aso würklich!
 tibor wenn me gschisse het und s het kei wc papier meh!
 leonora wenn me d mischig scho uf dr hand het abr keini papers!
 aaron und het me denn ändlich eins, gheit d mischig us!
 julian odr s paper het e loch!
 cyr odr kei füür, und hesch eis, goz nit!
 alberto wenn e simpsonsfolg chunnt, wo me scho gseh het!
 aileen e stumpfs bleistift im geometrie!
 alle vrdammt!
 charaz me verliert s natel und alli nummere sin wäg!
 mart wenn me behauptet dass s bruederholz e bonzequartier sig!
 sophie rieche isch nämmlig s richeghetto!
 alle genau!
 sofia nei binnige!
 domik arrlese!
 kathrin dr kanton zug!
 jule die ganz schwiz isch e richeghetto!
 mart und bi de vrwandte giz immr komischs ässe... immr!
 julian luti musik übere handyluutsprächer!
 tenz hip-hop gspröch!
 alle jo mann! was luegsch!
 alle schauen sich böse an
 aileen wenn öpper furzt im tram
 schauen auf tibor
 tibor e inkompatibli verdauig?
 alex inkompatibli speicherchartel!
 meret wenn priefige vrschobe, statt abgseit wärde!
 aaron dr gschäftsfierer vom desartes
 cyr d ussproch vo 'puis' im französisch
 alle puis bui pui
 tibor 'ensuite' au!
 alle onsui osuit ongsuit
 julian französisch närvt sowieso!
 sophie und frankrich!
 flo und d franzose stinke!
 chara und französischlehrer au!
 aileen und nit zämmegrollti sänftube närve!
 mer und wenn d zahn pasta nit uf em chopf stoht!
 ten fuesspilz
 mar (holt luft... überlegt sichs:) jo so pilz, anderi pilz noime anders halt.
 leo chläbrigi türfalle!
 soph und was am meiste närvt isch wens trämmli nit fahrt wägemene scheiss falsch parikerte lastwage!!!!

ail bis du cho bisch. hau ab!
 cha aber du bisch doch ganz elei.
 ail hau ab! gscht!
 steht auf
 es ist plötzlich ganz ruhig.
 steht auf, die anderen kriechen plötzlich zu den beinen und grabtschen nach den füssen. sie
 bekommt angst
 ail iiiiiiiik!
 alex was hesch?
 ail gang wäg!
 jule du willsch dass di chopf goht? wärsch denn nit chli elei?
 ail i will elei si!!
 alle lassen ab und bewegen sich nicht.
 ail hallo? hallo?
 testet die körper auf reaktion.. umarmt einige, die nicht reagieren. lässt sich streicheln. nichts.
 pumpt die leichen auf. bis sie stehen.

szene 6:

ail so hani mer das aber nit vorgstellt. in minere wält sette nit alles nur so zombies si. do
 gstalte d lüt mit. nämme teil am öffentliche diskurs und setze sich für e gueti sach i. wenn
 nötig gön si au uf d stroos!
 alle: demo! demo! (zuerst unverständlich, dann immer lauter)
 schilder auf schachteln. strassen schlacht mit schachteln. svp-bern nachspielen.
 meret tut sich als herrscher/politiker hervor, als ansprechperson
 meret ok.ok.ok. was wänd ihr!
 alle e besseri wält!
 mer ok.ok. was genau?
 alle schauen sich kurz an
 alle e vill besseri wält!
 mer das heisst konkret?
 alle schauen sich an.
 mart meh starbucks?
 cha und billiger!!
 jule abr kei mac donalds meh!
 tibor das sin nämmliglobalisierter kapitalisierter!!
 tenz nüm in d schuel!
 sophie jede tag usverchauf im h&m!
 alle jaaa!
 stürmen an den rabatttisch; die unterste person (leonora) spickt alle davon wie obelix.
 leonora kei gwalt und unterdrückig!
 alle jaaa!
 sofia wältfride!
 alle putzen sich den staub von den kleidern.
 alle: We are the world
 We are the children
 We are the ones who make a brighter day
 So let's start giving
 julian soloeinlage
 alle: We are the world
 We are the children
 We are the ones who make a brighter day
 So let's start giving
 ail niemer mues meh uf dr stroos si!
 alle oh!

versuchen irgendwo weg von der strasse zu kommen, auf die krüpfle. dabei feuerzeug nehmen.
 licht wird voll hell!
 flo kei global warming!
 alle springen wieder runter
 dominik e sunne zum sälber a und abmache
 alle ab! (wie an ständerlampe ziehen)
 licht geht aus
 alle a
 licht geht an
 alle ab, a, ab, a, ab, a, ab, a, ab, a!
 birne platzt, es ist dunkel.
 alberto jez heschs kaputt gmacht.
 mart was i? si isch tschuld!
 cyr was i? si isch tschuld!
 ten was i? die sin tschuld!
 einige was mir? dir sit tschuld! (ail, ten, sofia, kath)
 alle was mir? dir sit tschuld!
 charazeds feuerzeug geht an.
 chara he lüüt! jez miesse mer wider ganz vo vorne afoh.
 alle sind konsterniert.

szene 7:

alex irgendnoime sett doch do no e bedienigsaleitig umme ligge...
 sie suchen überall.
 dominik gfunde!
 blätterblätter.
 do: und gott sprach es werde licht!
 licht geht voll an.
 nit so vill
 es wird dunkel
 biz meh
 hell
 weniger
 dunkler
 weniger blau
 blau geht weg
 so isch guet. so. das hätte mer schomol. das längt.
 leo was 'das längt'? chunnt jez nit das mit tag und nacht und wasser und tier und pflanze und
 so? gib mir mol das teil!
 cyr nei i wötts.
 alle streiten sich darum, es zerreist und alle haben ein paar seiten in der hand. sie suchen nach
 spannendem inhalt.
 tenz ...sonne und mond...
 char ...wasser und fische...
 meret ...luft und vögel...
 tabor ah do i has: ...blablabla: lasst uns menschen machen nach unserem abbild.
 mart was unserem abbild? sone seich. wär will scho usgseh wie du?
 tabor sicher e fehlübersetzig. egal: lasst uns menschen machen!
 alle jaaaa! mensche mache!
 denkpause
 alle zu tabor: wie goht das? (flüsternd)
 tabor sucht im text: nach unserem abbild... vögel.... seid fruchtbar und mehret oich... herrscht über die
 fische des meeres... herrscht über alle tiere...

blättert rum

... esst... do stoht amfall nüt.

alle suchen in ihren fetzen, papiere fliegen rum (konfetti machen?)

sophie ah! do stoht öppis: aso: das mues dört ane. das dört, eso...

dirigiert die anderen rum, sie bauen eine mauer mit den schachteln.

sophie so.

julian und jez?

sophie schaut ihn sie an: hm.

tibor hm. (schulterzucken)

soph hm

tibor hm

sophie hm

tibor gähn

umarmung und verschwinden hinter der mauer.

alle aha!

gehen auch dort hin. leises lachen usw... wenn dann alle kommen bricht die mauer. sofia liegt regungslos in der mitte, es ist der prototyp. sie stellen sie gemeinsam auf. fällt fast wieder. sie schläft noch. sie versuchen ihn aufzuwecken. anschreien, kitzeln, haare reissen

dominik sehtest

ailleen ohrfeigen

aaron guter witz erzählen (wiso het albanie e doppelköpfige adler uf dr fahne? ein luegt, dr ander klaut)

tibor angorpsen

5ton elektroshock

cyrille: elektroshock > es funktioniert!

alle jaaa! jöööö!

alle machen so babysprache zum prototyp-

alle jö gulli gulli, wärischdenndas? wääreliwärischdenndas? he? jo dudududu...

alex wie heissisch? he? wie heisseliheissisch denn dududu?

kein ton kommt aus dem ding.

flo oh mann. es cha dänk noni rede!

meret und vo wo sells wüsse, wies heisst? mir händ em jo no kei name gäh!

alle besprechen sich hinter dem rücken unverständlich

tibor jo, genau!!

alle und ich taufe dich auf den namen:

tibor bier!

alle jubeln, der prototyp ist noch etwas benommen

ail aso lueg i erklär dr das mol wie das do bi uns so funktioniert:

kommunikation: muul uf muul zue. grüsch mache. usw

laufen: machsch e schritt, denn no ein, denn magsch nümm.

schuel: jo dasch physik und tests und lagers und so.

wenn de nit drus chunnsch chasch do nomol noch läse.

ah, läse: luegsch die zeiche vo links obe nach rächts unde a, blättere. usw

so, jez machsch du dini huusufgabe. mir göhn in usgang. tschau.

laden ihn mit büchern voll und schnappen sich je ne vodkaflasche und betrinken sich heillos.

grölen volle pulle:

Das Leben ist ne Party, eine einzige Party

Das Leben ist ne Party, aber du hast keine Einladung gekriegt

Das Leben ist ne Party, eine einzige Party

Das Leben ist ne Party, aber du kommst nicht am Türsteher vorbei ei ei.

am schluss sitzen/ liegen alle stockbesoffen rum. sofia kommt wieder zurück.

sofia alles gläser.

kath scho?

tenz he bier, bring mer e wasser!

mart mir au au au au.

alex mir e chopfwehtablete!

einige mir au au au au!

sophie aso, mol luege wie guet du alles glernt hesch.

ab da ist niemand mehr besoffen.

sophie was git 2 und 2?

sof 2 und 2... hmm.

rechnet mit den fingern, dauert.

sof fffffff...vier?

sophie jä stimmt.

ail 2 mal 2?

sof 4?

cyrille 2 hoch 2?

sof 4?

tenz 2 hoch 2 hoch 2?

sof 16

alex 2 hoch 16?

sof 65'536

meret definier: diffusion!

sof „Diffusion“ vom Lateinische.: diffundere „ausgießen, verstreuen, ausbreiten“ isch e physikalische Prozäss, wo zur gleichmässige Vrteilig vo Teilli und dodrmit zur vollständige Durchmischig..

mart ...okok. was isch mis Lieblingsässe?

sof pizza... wo sit 3 tåg umme stoht.

kath wenn chunnt es komma vor 'und'?

sof prinzipiell nie, usser vor 'und dass' oder wenn grad vor em 'und' e Relativsatz afoht oder ufhört.

aar wär isch dr vorsitzendi vo dr bürgergemeind riehe?

sof d frau Simone Forcart-Staehelin, gebore 1945, wohnt in dr Morystrooss 8, nochberin vom Nicolas Lüscher...

albert gmr-effekt?

sof Dr GMR-Effäkt (änglisch: giant magnetoresistance, dütsch: „Riesenmagnetwiderstand“) wird in Strukture beobachtet, wo us Schichte bestönn, wo abwächslend magnetisch und nit-magnetisch und es paar Nanometer dick sin. Dr Effäkt bewirkt, dass dr elektrischi Widerstand vo dr Struktur abhängig isch vo dr gegesitige Orientierig vo dr Magnetisierig vo de magnetische Schichte. Und zwar ischr binere Magnetisierig in entgegengesetzt Richtige dütlech höher wie bi Magnetisierig in die gleich Richtig.

ail wie cha me wäldfriide mache?

sof friide isch dr zuestand zwüsche mensche und menschengruppe, wo konflikt uf dr basis vo gerächtigkeit mit rächtsmittel ustrait wärde. git me also allne mensche e läbesgrundlag und e gerächte rahme, wo für alli gilt, also weder korrupcion no politischi interässe s rächtssystem usheble, giz relativ schnäll friide. oder d menschheit rottet sich ganz eifach sälber us. denn isch au rüeh.

chara wär het john f. kennedy würklich erschosse?

sof a) d kubanische mafia b) lee harvey oswald c) dr CIA d) e änte

sof hmm... offiziell ischs jo dr oswald gsi. hmm. aber es git doch au die theorie wäg em CIA... ich hätt gärn dr telefon joker

6ton: wählton, tuut

sophie: hallo!

sof wär het john f. kennedy würklich erschosse? a) d kubanische mafia b) lee harvey oswald c) dr CIA d) d änte?

sophie ah, jo das weiss ich. isch das nit die änte gsi?

sof sicher?

sophie ganz sicher! 200%!

sof hmm... ich weiss nit rächt. ich schieb glaub die frog mol nach hinde...

julian ok: wer oder was isch: Qin Er Shi?

sof Das isch e Kaiser us dr chinesische Qin-Dynastie. Är het vo 209 bis 207 vor Christus regiert. Si Name heisst übersetzt: „Zweiter Kaiser von China“. Gläbt hetr vo 230 bis 207 v. Chr. ; Eigentlich hetr Yíng Húhài gheisse..
 Är isch dr erschte Sohn vom Qin Shihuangdi, em erschte Kaiser vo dr Qin-Dynastie, gse, abr eigentlich nit dr Kronprinz.
 210 v. Chr. het är si Vater uf e Reis in Oschte vo China begleitet, wo dä denn plötzlich gstorbe isch. Uf e Rot vom Obereunuche Zhao Gao und em Kanzler Li Si hi het är en Erlass vo sim Vater gfälscht, wo sim Bruedr, em eigentliche Erbe Fusu, befiehlt Sälbschtmord z'mache wodrufab är sälber zum Nachfolger ernannt worde isch.
 Als Kaiser isch är nit in dr Lag gse, mit de Rebälle im Land fertig z'wärde. Är isch so abhängig gse vom Obereunuche Zhao Gao, dassr zu ihm sinre Marionette isch worde.
 207 v. Chr. isch d'Qin-Dynastie am Rand vom Zämmebruch gstande. Dr Zhao Gao het Angscht ka, dass dr Kaiser numme ihm d'Schuld drfür würd gä. Wäge däm het dr Zhao Gao sich mit andere vrschwore, zum dr Kaiser zum Sälbschtmord zwingen.
 E Sohn vom Fusu, dr Zatong, isch denn vom Zhao Gao zum König vo Qin gmacht worde. Bald dodrufabe het dr Zatong dr Obereunuch Zhao Gao tötet und sich ein Johr später em Liu Bang ergä.

tenz isch das nit Ziyang gsi, wo sich nach nur eim johr am liu bang ergäh het?

sof ah doch, stimmt. sorry.

jule jo denn duets mer au leid. leider nit bestande.

sof Jä und jetz? Was machi jetz? Was hani nit bestande?

jule dr tescht

sof Und was hätti beko? Wenni bestande hätt?

jule es diplom

Sofia Und was döfti denn mache, mit däm Diplom?

sophie lueg: mir hän di do erschaffe sozäge als noie prototyp für e mensch. du bisch unser chind. und mir miesse jez all die fehler in dir usmerze wo mir bis jez gha hei. i mein: lueg dr d wält mol a. uf e erst blick schön. blau. gohsh nöcher ane, isch si schwer krank. wiene schimmelpilz macht sich öppis breit und frisst sich dur d oberflächi: d mensche.

alex das sin mir!! mir si mensche!

soph aso hän mer di gmacht, zum uns mensche z bewise, dass mers besser chönne. besseri mensche chönnes besser.

ail i mein: lueg emol wies jez usgseht. so chas nüm lang witr go. scho jez wän d lüt für jede seich irgend e computer oder roboter, wo ihne alli arbeit abnimmt. nur sin die so tüür, dass si dr ganz tag miesse go schaffe, zum die roböterli chönne zahle.

leo d natur het au d schnauze voll vo uns mensche. was sell das ganze evolutions-zügs, wenn so öppis drbi use chunnt? do duet si sich lieber nomol besinne und goht widr ganz an afang zrugg und mir verschwinde im urknall.

cyr odr e noii sorte riise-änte isch gege radioaktivität immun und übernahme nach dr nukleare uslöschig vo dr menschheit d ärde.

martina e horde furzendi chüe reklamiere mit em al gore d wältherrschaft und beläbe im fidel castro sim nachttopf dr karl marx wider. und denn funktioniert dr sozialismus plötzlich doch!

dominik das willsch doch nit öppe? sozialismus isch böse!

alle sehr böse!
 sofia und wie genau sölli si?
 alle choreo: strecken/ zusammen/ rechte faust, rechter fuss vor/ linke, rechter vor/ schlaufe
 dazu im chor (je 12 takte)
 hart wie krupp-stahl, flink wie ein wiesel, zäh wie leder
 hart wie leder, flink wie krupp-stahl, zäh wie ein wiesel
 hart wie ein wiesel, flink wie leder, zäh wie krupp-stahl
 sofia probiert nachzuhüpfen
 sofia hart... wie ein esel, zäh wie jeder, wie isch das gange?
 alle machens nochmal doppelt so schnell:
 hart wie krupp-stahl, flink wie ein wiesel, zäh wie leder
 hart wie leder, flink wie krupp-stahl, zäh wie ein wiesel
 hart wie ein wiesel, flink wie leder, zäh wie krupp-stahl
 sofia ich gang nomol go lerne...
 ail du blibsch do! es isch zit! du muesch jez d wält rette!
 sofia was ich? jez scho?
 ail hopp hopp hopp hopp.
 geht hinter eine schachtel. wirft sie nach den anderen. die darunter begraben werden.
 sofia so, fertig.
 cyr guete versuch. sehr schlaue! aber glaubsch wirklich du chasch uns eso loswärde? das sin
 nur kartonschachtel. kartonschachtel! jez ruumsch die sauerei widr uf! du dörsch erst go d
 wält rette, wenn do alles ufgruumt isch.
 sof oh mann.
 räumt auf.
 sof das isch so unfair. immer mues i ufruume. dir händ die sauerei gmacht. und i mues alles
 widr ufruume. immer mues i alles ufruume. hani dräckig gmacht? nä-ä! was nützt mir
 überhaupt, wenn ich oich d wält rett? was hani drvo? dir machets eh widr dräckig und
 denn mues widr öpper anders cho, zum hinter oich ufruume. bini eigentlich oiches mami?
 denn giz widr e no noiere mensch, e no bessere mensch. was investieri mi zit ine wält
 woni gar nit kenn. wiso macht mes nit grad vo afang a richtig? eifach perfekt vo afang a.
 chara in utopia wär alles perfekt. dort spile d kinder mit loie. alli laufe füdleblutt umme, aber
 niemer schämt sich! es git keini gruusige manne wo gruusigi sache mache. me het sex mit
 allne und allem und wird nie schwanger. es git keini gschlächtskrankheite, drfür giz anti-
 gschlächtskrankheite-automate. und s git keini ufständ, für das gitz anti-ufstand-automate
 und es git au keini automate, für das giz anti-automate-automate!
 martina und giz dort au tomate?
 sof wie chunnt me dort ane?
 chara ganz eifach: me muess ganz fescht dra glaube, süscht got das nit. wär nit glaubt, chunnt
 nie dort ane, glaub. me mues glaub nur ganz fescht an sich glaube, denn schafft me alles.
 sof ich will au dort ane. denn glaub ich an mi! das mues super si dort. alle machen augen zu
 und glauben ganz fest. bis sie explodieren (wc-drücken)

szene 8:

7ton: explosion

es sind alle in utopia angekommen.
 tibor schön ischs do, he?
 tenz und alles so weich.
 alle stehen etwas ratlos in der gegend rum.
 leo wo si jez die loie wo mit mine chinder spile?
 alex du hesch chinder?

leo ah, dört! was macht dä ma dört? he!! ufhöre! pack das widr i! ah mir hän jo gar keini chleider a. trotzdem ipacke! he!!

julian aso mir längts do! ich gang!

alle packen koffer (schachteln) und setzen sich rein.

autogeräusche

alle durcheinader: nei aso so öppis, do blibe mir kei sekunde. eso öppis häni jez au no nie erläbt. was isch denn das für e hotel? sone seich. aso würlich...

ein grosses autorennen entsteht.

es gibt eine verkehrskontrolle.

sophie stopp! ahalte! vrkehrs kontrolle. allgemeini.

cyr jä, was isch? hani öppis falsch gmacht?

sophie näi näi. nur e rutine kontrolle. hän si ihre uswis debi?

cyr jä (pause)

soph und könnt i dä mol seh?

cyr ah, klar! bitte:

gibt ihr einen zusammengefalteten zettel.

soph danke. hän si öpis drunke?

cyr nei. aso e biz. aso nit so vill. aso isch scho es zitli här.

sophie wie vill denn?

cyr 1.. eh 2?

sophie gläser?

cyr nei fläschli

soh bier?

cyr äh...(murmelt unverständlich:) wdka

soph wie?

cyr wdka

soph wie bitte?

cyr wo-dka

soph aha. würde si bitte mol usstige und blose.

cyr heee! das machi sicher nit. do zahli lieber d buess! i zeig s grad a! si perversi!

soph i mein do ins röhrl.

cyr ah. hehe. ok.

holt tief luft. nimmt das schläuchli (fasnachtsteil) in den mund und bläst kurz.

soph feschter

cyrille bläst ein wenig länger

soph vill feschter!

cyrille noch ein wenig länger

soph feschterfeschterviilviiiil feschter!

cyrille bläst sich fast die lunge aus dem leib bis der kopf rot anläuft.

soph danke.

wartet auf das ergebnis. vielsagendes nicken.

cyr und? hani gwunne?

soph ich nimm mol ihri personalie uf: name?

cyr daniels

soph vorname?

cyr jackie

soph würlich?

cyr jo. mini mueter hett ebbe welle, dass mi name öppis mit dr nacht vo minere züigig z tue het. und si cha sich ebbe au nüm an dä typ erinnere mit däm si...

tenz sone zuefall. ich heiss mary, bloody mary! schint als öb mir dr glich vater händ.

sofia und wiso heiss i eigentlich bier???

alle wieder: das leben ist ne party...

szene 9:

sofia unterbricht:

sofi nei! wie dumm mues me eigentlich si? me cha doch sini chinder nit eifach irgendwie taufe!
das alles do isch doch nit eifach e riise witz! me cha doch nit eifach mache, was me will.
nüt gege spass und luschtig si! irgendwann mues me vrantwortig überneh, konsequänt si.
und meint me s läbe sigg sinnlos, denn mues me ihm halt e sinn gäh! das chunnt doch nit
vonelei. wo würd denn das ane führe?

flo selle plötzlich alli nur no bsoffe si? und sich blödi näme für ihri chind usdänke?

kathrin und die ganz umwältverschmutzig? me cha doch nit immer numme dr ganz dräck unter e
teppich wüsche? wenn übernämert ihr ändlich verantwortig???

alle gehen also konsterniert ans werk die erde zu retten.

alle durcheinander:

jo isch jo guet. mir ruume mol uf. isch jo au langsam zit worde.

alles wird wieder schön gebäschelet.

papier auf einen stapel, glas schön hinstellen. usw... alle scheissts an.

kathrin ich nimm s papier vo dr büchse bevor i se wäsch. und schnidd dr bode use bevor i se platt
druck.

tibor papier schön bündle. mit schnuer! karton separat. nit in tragtäsche oder in kartonschachtle
due!!

cye und couvert khöre au in karton.

tibor werum?

cyr das stoht uf em offizielle abfuhrplan. das mues in d kartonsammlig.

martina sonderabfäll seperat entsorge

tenz nur no stromspaarlampe bruuche.

flo chüelschrank nit immr offe lo.

meret velo fahre statt s auto nä

alex z fues go statt s flugzüg

aaron kartonsarg statt eicheholz

julian amalgan füllige vor em kremiere use näh

cyr süscht giz unsere planet nüm lang

kathrin dr planet scho, aber s läbt nüt meh druf.

leo s ozonloch isch so gross, dass me gar nüm in d sunne dörf. me würd grad huttkräbs becho
und uf dr stell tot umgheie!

alle tätschts, dann werden sie zu maulwürfen.

alex d mensche miesste wie muulwürf unter em bode läbe. so wie in matrix.

matrix move

char wenns ganze iis uf dr ärde wäggschmolze isch und s meer alles überschwemmt.

dominik denn wär d schwiiz wükdlich ändlich die insle, as was si sich so gärn gseht.

mart und alli städt am meer wäre überschwemmt. au new york!

alle was? gaaanz new york?!

mart milliarde vo mensche würde vrsuffe.

alle ganz new york?!

mart und villi fälder wäre überschwemmt. alli miesste hungere.

alle ganz new york?!

mart und an andere ort gäbs gar kei räge meh. alles wär e wüeschti worde.

flo voll geil! numme no schöns wätter!

mart d wält wär so kaput, dass me miesst uf andere planete wohne!

alberto ha scho lang mol e feriehüsli uf em pluto welle!

meret das isch jez kei planet meh...

tenzing milliarde vo mensche wäre uf dr flucht!

cyr hoffentlich chömme die denn nur nit zu uns! dene gäbe mir sicher nüt. selle sälber luege,
wo si blibe. sälber tschuld, wenn si ihri hüser am meer baue! s meer isch scho immer
gfährlich gsi: händ er atlantis scho vrgässe?! aso wenn denn die bi uns an dr gränze

stöhn, denn schicke mer se grad wiidr zruigg. isch doch nit unseri schuld, dass si keini bärge hän. tja. me mues halt vorusdänke. selle schiffli baue odr ufe himalaya. dört hetz vill platz. chinese sin nit gross. ganz new york hätt dört locker platz.

alle ganz new york?!

dabei rücken die anderen dahinter immer mehr zusammen. werden vom wasser eingeschlossen. das wasser steigt und steigt.

leo blödi wält. i chase nümm usstoh. das wird nie öppis! i schaffs nit. es isch alles so kompliziert. i will wäg vo do! am liebschte würd i in mi sälber ine chrieche. dört bini dehei.

szene 10:

sie ertrinken und schweben langsam im wasser.

8ton: atemgeräusche oder wie unter wassereintauchen.

grabsch-choreo/ luft-petting

musik under the sea - disney

sie liegen wieder in einem haufen. stehen auf, sind wieder im tram.

ton: driing

aufwachen, aufstehen

9ton: driing, wiuuu

die fahrt geht weiter. alle sind froh. schreiben sms:

alle: sms: b i n g l e i c h d a. el ge

ENDE